

續
通
志
(三)

浙江古籍出版社

新
平
舟

PDG

續 通 志 (三)

浙江古籍出版社影印

欽定續通志卷四百十七

列傳

遼一

耶律赫魯

耶律實納齊 茂利 佛德

耶律允

耶律哈里

耶律達喇

蕭痕萬

康默記 廷壽

韓延徽 德福 紹勳

韓知古 德福

耶律迪里 伊濟

耶律都沁 古 圖魯 王郁

耶律嘉哩

高模翰

趙思溫

耶律烏魯斯

張環

耶律赫魯字庫們一字洪隱德時勅部人祖賁默克簡
獻皇帝兄父烏蘇約尼時爲本部額爾奇木赫魯性質
厚在營營與太祖遊從父舒魯奇之曰與我家者必二
兒也太祖既長相與易表馬爲好然赫魯事太祖爾謹
會華格弒其父舒魯太祖顧赫魯曰華格弒父料我必
不能容將反噬我今彼歸罪特順爲解我姑與之是賊
吾不忘也自是赫魯常佩刀從太祖以備不虞居久之
赫魯父烏蘇病召赫魯曰按巴堅神昭天授汝事諸弟
赤心事之太祖來問疾烏蘇執其手曰爾命世奇才吾
兒赫魯他日可委以事吾已論之矣太祖爲塔瑪精實
時參預部族事赫魯領數騎召小黃室輩來附太祖素
有大志而知赫魯賢軍國事非赫魯議不行會討粉爾
庫與烏爾固部赫魯爲前鋒戰有功及太祖爲德時勒
部額爾奇木討奚部其長珠爾偏陰而星攻莫能下命
赫魯持一箭往諭之既入爲所執適說奚曰契丹與奚

言語相通實一國也我額爾奇木於奚豈有較勝之心
故漢人殺我祖奚首額爾奇木怨刺骨日夜思報願力
弱使我求援於奚傳矢示信耳額爾奇木受命於天撫
下以德故能有此舉也今奚殺我違天背德不祥莫大
焉且兵連禍結當自此始豈爾國之利乎珠爾感其言
乃降太祖爲裕悅兼國政欲命赫魯爲德時勒部額爾
奇木辭曰賊在君側未敢遠去太祖討黑車子室羣幽
州劉仁恭遣養子趙霸率眾來救赫魯伏兵桃山俟霸
眾過半而要之與太祖合擊斬獲甚眾遂降室羣太祖
會李克用於雲州赫魯恃克用願而壯之曰偉男子爲
誰太祖曰吾族赫魯也會約尼哈陶津汗殺羣臣奉遺
命請立太祖太祖辭曰昔吾祖額爾奇木雅里嘗以不
當立而辭今若等復爲是言何歟赫魯進曰曩吾祖之
辭逆命弗及符瑞未見第爲國人所推戴耳今先君言
猶在耳天人所與若合符契天不可違人不可拂而君
命不可違也太祖曰遺命固然汝焉知天道赫魯曰聞
裕悅之生也神光屬天異香盈室夢受神壽龍錫金佩
天道無私必應有德我國則弱日久天生聖人以興起
之汗知天意故有是命且約尼九害羣非無可立者
小大臣民屬心裕悅天也天時人事幾不可失太祖猶
未許是夜獨召赫魯曰曩以遺命迫我汝不明吾心
而亦俛隨耶赫魯曰在昔額爾奇木雅里雖推戴者眾
辭之而立蘇爾威爲汗相傳十餘世君臣之分亂紀綱
之統廢委貲他國若綴旒然羽微遷牛民疲奔命與王
之運實在今日應天順人以答顧命不可失也太祖乃
許明日即皇帝位命赫魯總軍國事時制度未講國用
未充扈從未備而諸弟珂克等往往覬非望太祖宮行

營始置腹心部選諸部豪健二千餘充之以赫魯及蕭
達魯總焉已而諸弟亂作太祖命赫魯總領軍事討平
之以功爲德時勒部額爾奇木時民更兵焚剽日以玩
敵赫魯撫輯有方畜牧盛滋民用富庶討烏爾固部破
之自是震懾不敢復叛迺請制朝儀建元率百官上尊
號太祖備禮受冊拜赫魯爲阿勒達爾裕悅阿勒達爾
者遼言盛名也後太祖伐西南諸部數爲前鋒神冊二
年從逼幽州與唐節度使周德威拒戰汴州西敗其軍
遂圍幽州未下太祖班師留赫魯與唐國用守之俄而
救兵繼至赫魯等以軍少無援退爲李嗣源等所敗乃
解去通鑑亦云契丹大敗俘斬三年七月皇都成燕羣
臣以落之赫魯是日得疾薨年四十七既葬賜名其阡
首德山曰裕悅哈諾立石紀功清寧間命立祠上京初
赫魯病革太祖臨視問所欲言赫魯曰陛下聖德寬仁
羣生成遂帝業隆興臣既蒙寵遇雖瞑目無憾惟析德
呼勒部議未決願亟行之及薨太祖流涕曰斯人若延
三五載吾謀茂不濟矣太祖二十功臣各有所擬以
赫魯爲心云子塔喇囉囉俱不仕
耶律實納齊字薩喇六院部錫里尼固察之族始字堆
音早隸太祖幕下嘗有疾賜酒飲而愈還言酒尊曰
薩喇故詔易字焉太祖即位掌腹心部天贊初分德時
勒部爲北南院實納齊爲北院額爾奇木帝西征至流
沙諸部潰散命實納齊撫集之及討渤海國輝罕城大
誣謀降已而復叛諸將分地攻之實納齊感勵士伍鼓
謀登陴敵震懼莫敢禦遂破之天顯中卒年七十居佐
命功臣之一姓隆科佛德
隆科字薩蘭其母滔欽皇后姊也隆科幼養宮掖既長

沉毅有勇略。太祖帳下既即位。屢有戰功。堽克之亂也。欲乘不備。為掩襲計。給降太祖將納之命。隆科耶律允勒士卒以防變。逆黨知有備。而遁以功。授右皮室。詳察典宿衛。太祖侵燕趙。過唐兵雲碧店。隆科特勇輕敵。直犯其鋒。職久之。被數創歸營。而卒。太祖深悼惜之。佐命功臣其一也。

佛德字烏庫哩。弱冠事太祖。天顯初。為左皮室。詳察典宿衛。還南院額爾奇木。治有聲石敬瑭。破張敬達軍於太原。北時。佛德勒兵為援。敬達遁。敬達至晉安塞。圍之。佛德領輕騎襲遼州。塞其餉道。唐諸將懼殺敬達。以降。會同初。改德呼勒部額爾奇木為大王。即拜佛德既而加採訪使。舊制。爾祖以下。宗室稱院德。祖宗室號三父房。稱橫帳百官子弟及籍沒人稱著帳。耶律實迪言橫帳班列不可與北南院並。太宗詔在廷議。皆曰。然乃詔橫帳班列居上。佛德曰。橫帳始圖爵位之高。願與北南院參任。茲又恥與同列。夫橫帳與諸族皆臣也。班列笑以異帝乃。詔仍舊制。其強直不撓如此。佛德狀貌秀偉。初太祖見之曰。是子風骨異常。兒必為國器。後果然。卒年四十九。按聖宗本紀。和元年賜佛德等漢藥二固安。統和去天顯。發六十年。佛德弱冠事太祖。年止四十九。安能遽事聖宗。本紀所載當別是一人。宏簡錄疑之。本傳恐未深考耳。

耶律允字錫里雅。圖魯卜部人。祖塔雅克。約尼時為北邊伊喇簡。獻皇后與諸子之。雅也。嘗倚之以免太祖思其功不忘。又多允嚴重有濟世志。乃命典司近部。以遏諸族覬覦之想。允既見器重。益感奮。思報太祖始置宮分自衛。允率門客首附宮。籍帝益嘉其忠。詔以塔雅克配享廟。廷及平時。克等亂。以功還。奚德呼勒部額爾

奇木從征渤海有功。天顯初。卒後。諸帝以太祖之器尤也。往往取其子孫為友。官分中稱八房。皆其後也。弟轄哩終奚六部圖哩。

耶律哈里字爾爾昆。約尼兆固汗之裔。太祖傳位哈里。與有力焉。時屬籍比局崩。覬覦而約尼故族尤觊望。哈里多先帝知人之明。又素服太祖威德。獨歸心焉。以故太祖托為耳目。數從征討。既靖內亂。始置約尼詳察令。哈里領之。天顯初。征渤海。哈里將約尼札破輝罕城。班師卒。

耶律達喇字和擒。約尼森濟汗之子。太祖踐阼。與詳察哈里同心輔政。太祖知其忠實。命掌禮儀。且委以軍事。後以平內亂功。代轄哩為奚六部圖哩。卒。達喇善騎射。頗好禮文。

蕭痕篤字裕勒。哈德呼勒部人。其先相約尼氏。痕篤少慷慨。以才能自任。早隸太祖帳下。數從征討。既踐阼。除北府宰相。痕篤事親孝。為政尚寬簡。

康默記本名照少。為薊州衙校。太祖侵薊州。得之。愛其材。隸麾下。善漢相。涉事屬默記折衷之。悉合帝意。時諸部新附。文法未備。默記推析律意。論決重輕。不差毫釐。拜左尚書。神冊三年。始建都。默記重役人。咸勸趨百日。而訖事五年。為皇都伊勒希巴。太祖出師居庸關。命默記將漢軍進逼長蘆。水寨俘賊甚眾。天贊四年。從征渤海。後大誣譏。叛命諸將攻之。默記分薄東門。率驍勇先登。復與韓延徽下長嶺府。按太祖紀。默記攻長軍還。已下城邑多叛。默記與阿固察平之。破輝發城。歸營太祖山陵。畢卒。佐命功臣其一也。孫延壽少。儻善騎射。嘗謂其所親曰。大丈夫為將。當效節。遂垂馬革。裹屍景宗

特授千牛衛大將軍。宋人攻南京。延壽奮擊陣前。敵遂大潰。以功遙授保大軍節度使。乾寧三年卒。按延壽乾寧京。本傳合之。當是乾寧之誤。景宗本紀。乾寧二年。宋主。圖南。

韓延徽字藏明。幽州安次人。父夢殷。累官勳備。順三州刺史。延徽少英敏。燕帥劉仁恭奇之。召為幽都府文學。平州錄事參軍。授幽州觀察度支使。及守光為帥。延徽來聘。太祖怒其不屈。留之。使牧羊馬。舒暢后曰。彼秉節弗撓。賢者也。奈何困辱之。太祖召與語。合帝意。即命參軍事。攻党項。室韋。服諸部落。延徽之籌居多。乃請樹城郭。分市里。以居。漢人之降者。又為定配偶。教藝。以生養之。故逃亡者少。居久之。慨然懷其鄉里。賦詩見意。遂亡歸唐。已而與他將王絳有隙。懼及難。乃省親。幽州行過常山。匿故人王德明舍。德明問所適。延徽曰。吾將復走契丹。德明不以為然。延徽笑曰。彼失我。我如失左右手。見我必喜。既至。太祖問故。延徽曰。忘親非孝。棄君非忠。臣雖挺身逃。臣心在陛下。臣是以復來。帝大悅。賜名曰伊時。伊時還言復來也。命為守政事令。崇文館大學士。中外事悉令參決。天贊四年。從征渤海。以功拜左僕射。又與康默記攻長嶺府。拔之。太宗朝。封魯國公。仍為政事令。使晉還。改南京三司使。世宗朝。遷南府宰相。建政事省。設張理具。稱盡力。吏天祚五年。按本傳。作三河。東。請行冊禮。帝召延徽。定其制。一遵太宗冊晉帝禮。應中致仕。子德樞。鎮東平。詔許每歲東歸。省九年。卒年七十八。贈尚書令。葬幽州之魯郡。世為崇文令公。初延徽南奔。太祖夢白鶴自帳中出。比還。復夢鶴入帳中。詰旦。謂侍臣曰。延徽至矣。已而果然。太祖初元。庶事草創。凡營都邑。建宮殿。正君臣。定名分。法度井然。并延徽力也。

爲佐命功臣之一子德樞自幼器宇不凡年甫十五太宗見之謂延徽曰是兒卿家之福朕國之寶真英物也未冠冠左羽林大將軍遷特進太尉時漢人降與轉徙者多萬東平丁歲災饑饉疾病德樞請往撫字之授遼興軍節度使整飭劇盜恩照信字勸農桑興教化期月民獲蘇息入爲南院宣徽使遷授天平軍節度使平澤營三州管内觀察處置等使門下平章事已而加開府儀同三司行侍中封趙國公保寧元年平孫紹勳紹芳紹勳仕至東京戶部使大廷琳叛被執不屈賊以錮解之值屬至死紹芳開泰九年爲樞密都承旨志增輯太平四年爲樞密直學士紀增輯重熙間參知政事加兼侍中時廷議征李元昊力諫不聽出爲廣德軍節度使聞敗嘔血卒曾孫資讓大安八年參知政事爲中京留守紀增壽隆初知樞密院事拜中書侍郎平章事坐事出爲崇義軍節度使語見道改鎮遼興卒

韓知古薊州玉田人善謀有識量太祖平薊時知古六歲爲滄欽皇后兄允所得後來嬪知古從焉久之未得省見快快不得志挺身逃庸保以供資用其子匡嗣得親近太祖因問言太祖召與諸賢之命參謀議太祖破劉守光軍詔赴龍化州建碑以紀功德紀增入神冊初遷授彰武軍節度使信任益簡總知漢兒司事兼主諸國禮儀時儀法疏濶知古據故典酌國俗與漢儀雜就之使國人易知而行頃之拜左僕射按太祖紀未建元左僕與康默記將漢軍征渤海有功遷中書令天顯中卒爲佐命功臣之一子匡嗣

匡嗣以善醫直長樂宮皇后視之猶子應曆十年爲太祖廟諱安王喜隱謀叛辭引匡嗣帝置不問景宗在

藩邸善匡嗣即位拜上京留守加封燕王改南京留守保寧未以留守攝樞密使時耶律和克使宋還言宋人必取河東合先事爲備匡嗣沮之已而宋人果取太原乘勝逼燕匡嗣與南府宰相劇特哩袞休格侵宋軍於滿城方陣宋人請降匡嗣欲納之休格曰彼軍氣甚銳疑誘我也不聽俄而宋軍鼓譟以進匡嗣倉卒論諸將毋當其鋒既既奔退伏兵扼要路匡嗣棄旗鼓遁其眾走易州山帝怒數之曰違棄賊謀深入敵境爾罪一也號令不肅行伍不整爾罪二也棄我師旅挺身鼠竄爾罪三也偵候失機守禦備爾罪四也捐棄旗鼓損威辱國爾罪五也促令誅之皇后引諸內戚爲解帝重違其請良久乃杖而免之既而遷授晉昌軍節度使乾亨二年按景宗紀改西南面招討使卒後追贈尚書令五子德源德讓後賜名隆運德威德崇德凝德源德凝附傳餘各有傳

德源性愚而貪早侍景宗邸及即位列近侍保寧間保寧原文作統和與德源以乾亨初卒乾亨爲景宗年號統和爲聖宗年號卒在先仕在後考德源父子兄弟俱早侍景宗其弟德讓德威德凝德威始於保寧德源爲長兄不應始仕於聖宗朝其爲保寧之說無疑改官崇義興國二軍節度使加檢校太師以贈名德讓貽書諫之終不悛後加同政事門下平章事遷攝保寧軍節度使乾亨初卒

德凝謙遜廉謹保寧中遷護軍司徒統和中按統和原考聖宗紀統和三年德凝由彰武軍節度使爲崇義節度使又爲國表統和十九年西南面招討使妻党項之捷而次其功以事考之當即德凝改累遷護衛太保都宮使崇義軍節度使移鎮廣德秩滿部民請留從之改西南面招討使克項隆伊特叛平之遷大同軍節度使卒於官子果桑終天德軍節度使孫高嘉努終南院宣徽

使果實終遼興軍節度使

耶律迪里字烏瑪濟裕悅赫魯之弟初太祖爲裕悅迪里以謹愿寬恕見器使既即位入侍帷幄與聞政事神冊三年赫魯薨命迪里爲德時勒部額爾奇木屬以南方事會討党項皇太子爲先鋒迪里副之軍至天德雲內分道竝進迪里率偏師渡河力戰斬獲甚眾天贊初大元帥略燕地迪里徇山西所至城堡皆下從伐渤海拔扶餘城留迪里與伊德實守之天顯二年留守東京十年卒年五十六弟伊濟

伊濟小字烏里字伊德森幼豪爽不羣長嗜學通諸部語太祖經營之初多預軍謀天顯元年渤海平立皇太子爲東丹王以伊濟爲中臺省右次相時人心未安伊濟在事勤恪威信並行太宗即位上表曰渤海首畏南朝阻險自衛軍輝卒城今去上京遠遼既不爲用又不罷戍果何爲哉先帝因彼離心乘輿而動故不戰而克天授人與彼一時也遺種寢以番息今居邊境恐爲後患梁水之地乃其故鄉地衍土沃有木鐵鹽魚之利乘其微弱徙還其民萬世長策也彼得故鄉又獲木鐵鹽魚之饒必安居樂業然後遷徙以翼吾左矣厥党項室韋夾輔吾右可以坐制南邦混一天下成聖祖未集之功貽後世無疆之福帝嘉納之是歲詔徙東丹國民於梁水太祖本紀作東平按遼史地志神冊四年遷遼民居之升爲南京梁人皇王奔唐伊濟鎮撫國人一切如故以功加守太傅遷中臺省左相會同初以冊禮赴闕加特進卒子和爾終東京留守

耶律都沁字達年六院部人祖博果濟約尼氏時再爲本部額爾奇木耶律朗德等既害元祖暴橫益肆博果

瀋以計誘其黨悉誅夷之都沁幼有志節太祖爲裕悅
常居左右後即位梁人遣使求輅軸材太祖難之都沁
曰梁名求材實規吾輕重宜若曰材之所生必深山窮
谷有神司之須白鼻赤驢禱祠然後可伐如此則其語
自塞矣已而果然天贊三年將伐渤海都沁諫曰陛下
先事渤海則西夏必讎吾後請先西討太祖從之及遣
欽皇后稱制惡都沁囚之誓曰鐵鎖朽當釋汝既而召
之使者欲去鎖都沁曰鐵未朽可釋乎后聞嘉歎趣召
釋之天顯二年卒弟古圖魯卜

古字顯爾昆初名質默克太祖爲裕悅常從略地山右
會李克用於雲州古恃克用異之曰是兒骨相非常不
宜使在左右太祖頗忌之時方西討諸弟亂作聞變太
祖問古與否曰無喜曰吾無患矣趣召古議古陳珍滅
之策後皆如言神策末南伐以古佐右皮室詳袞隆科
與唐兵戰於雲碧店隆科中流矢傷甚太祖疑古陰害
之古知帝意請遣使問之太祖使問隆科對曰臣於古
無可疑者帝意乃釋隆科卒遂以古爲右皮室詳袞既
卒太祖謂左右曰古死猶長松自倒非吾伐之也

圖魯卜字托輝幼聰敏嗜學事太祖見器重及製契丹
大字圖魯卜贊成爲多未幾爲文班林牙領國子博士
知制誥明年受詔撰快獄法太祖略燕詔與皇太子及
王都政定州師還至順州幽州馬步軍指揮使王千率
眾來襲圖魯卜射其馬蹶擒之天贊二年皇子耀庫濟
爲大元帥圖魯卜爲副既克平州進軍燕趙攻下曲陽
北平至易州李景章出降言城中無鬪志大元帥將修
攻具圖魯卜諫曰我師遠來人馬疲憊勢不可久留乃
止軍還大元帥以其謀聞太祖大悅賜資優渥車駕西

征復與大元帥爲先鋒伐党項有功太祖犒師水精山
大元帥東歸圖魯卜留屯西南部討党項多獲而還太
祖伐大諠譟圖魯卜先登渤海平承詔銘太祖功德于
承興殿壁渤海州郡復叛從大元帥攻破之遣欽皇后
釋訓有飛語中傷者后怒圖魯卜懼而亡太宗知其無
罪召還天顯三年討烏爾圖部俘獲甚眾伐唐以圖魯
卜爲左翼攻唐軍敗沙塞降之十一年送晉主石敬瑭
入洛及大冊總禮儀事加特進檢校太尉會同五年卒

王郁京兆萬年人唐義武軍節度使處直之孽子伯父
處存鎮義武卒三軍推其子部裏處直爲都知兵馬使
梁王朱全忠攻定州部遣處直拒于沙河兵敗入城逐
部亂兵推處直爲留後部之亡也郁從之晉王克用妻
以女用爲新州防禦使處直陰使郁北導契丹入塞以
牽晉兵且許爲嗣神冊六年奉表送款舉室來降太祖
以爲養子未幾郁兄都因父自爲留後帝遣郁從皇太
子討之按五代史王處直傳都因唐遣王晏球討之都
所敗與至定州都堅壁不出掠居民而還明年從皇太
子攻鎮州遇唐兵于定州破之天贊二年秋都及阿固
齊略地燕趙攻下磁窯務從太祖平渤海戰有功加同
政事門下平章事改崇義軍節度使太祖崩前與妻會
葬其妻泣訴於酒飲皇后求歸鄉國許之郁奏曰臣本
唐主之婿王已被弑此行夫妻豈能相保願常侍太后
后喜曰漢人中惟王郎最忠孝以太祖嘗與李克用約
爲兄弟故也尋加政事令還宜州卒

耶律圖勒錦字額哩音肅祖子學順之孫幼善騎射勇
而有謀略嘗侍從唯啞啞太宗立晉之役其父德里古爲
五院額爾奇木歿於兵帝即以其職授圖勒錦會同元

年改北院大王嘗屏左右與議大事占對合帝意從討
石重貴杜重威擁十萬餘眾拒渾沱橋力戰數日不得
進帝曰兩軍爭渡人馬疲矣計將安出諸將請緩師爲
後圖帝然之圖勒錦屬色進曰陛下樂於安逸則謹守
四境可也既欲擴大疆宇出師遠攻詎能無歷聖慮若
中路而止適爲賊利則必陷南京夷屬邑爭戰未已吾
民無莫枕之期矣且彼步我騎何慮不克如選輕騎先
絕其餽道事獲不濟矣帝喜從其言重威果降明年春
卒軍中

耶律嘉哩字布當圖魯卜部人也爲小吏嘉哩早隸太
宗麾下擢爲軍校天顯間唐攻定州既陷嘉哩爲唐兵
所獲晉高祖立始歸國太宗賞其罪拜御史大夫會同
九年伐晉師次渾沱河華中渡橋降其將杜重威嘉哩
與降將張彥澤率騎兵趨河南所至無敢當其鋒既入
汴嘉哩等還晉王重貴於開封府彥澤忿殺掠亂宮掖
嘉哩不能禁車駕至京斬彥澤嘉哩亦被誅賁釋之
天祥間加守太子太傅應恩初僱本部令殺嘉哩世其
職卒

高模翰一名松渤海人有膂力善騎射好談兵初太祖
平渤海模翰避地高麗王妻以女因罪亡歸坐使酒殺
人下獄太祖知其才賞之天顯十一年唐遣張敬達揚
光遠攻太原石敬瑭求救太宗許之徵兵出太原模翰
與敬達軍接戰敗之太原圍解帝召賜酒饌翼日復戰
又敗之光遠斬敬達降帝諭模翰曰朕自起兵百餘戰
卿功第一雖古名將無以加乃授上將軍會同元年冊
禮成宴百官及諸國使於二儀殿帝指模翰曰此國之
勇將朕統一天下斯人力也及晉叛盟出師南伐模翰

爲統軍副使與僧額前驅拔赤城破德貝諸寨遂兼總
左右鐵鷄子軍下關南城邑數十明年敕虎官楊章赴
乾寧軍爲滄州節度使田武名所圍模翰與趙延壽聚
議往救俄有光自模翰目中出紫纓旗子破敵如流星
模翰喜曰此天贊之祥遂進兵殺獲甚眾以功加侍中
略地鹽山破樓安晉人震怖不敢接戰加太傅晉杜重
威領兵三十萬來拒模翰謂左右曰軍法在整不在多
以多陵少不義必敗其晉之謂乎詰旦以麾下三百人
逆戰殺其先鋒梁漢璋餘兵敗走手詔褒美頃之杜重
威等復至滹沱河模翰守中渡橋復敗之車駕入汴加
特進檢校太師封恭郡開國公賜寶書劍器爲汴州巡
檢使平汜水諸山土賊遷鎮中京天祚二年加開府儀
同三司賜對衣鞍勒名馬應歷初召爲中臺省右相時
北漢爲周所侵遣使求援命模翰赴之模翰以葦筏渡
胡盧河攻冀州周人莫敢應獲丁壯數百人而還宗穆紀及資治通鑑增入九年正月遷左相卒

趙思溫字文美盧龍人少果銳智力兼人隸燕師劉仁
恭幕李存勗問罪於燕思溫統帥拒之流失中目裂
裳潰血戰猶不已爲存勗將周德威所擒存勗壯而釋
之曰見信用與梁戰於莘縣以驍勇聞授平州刺史兼
平營制三州都指揮使神冊二年太祖遣將略燕地思
溫來降及伐渤海以思溫爲漢軍都團練使力戰拔扶
餘城身被數創太祖親爲調藥太宗即位以功擢檢校
太保保靜軍節度使天顯十一年唐攻太原石敬瑭求
救帝命思溫自嵐憲間出兵援之既罷兵改南京留守
盧龍軍節度使管内觀察處置等使開府儀同三司兼
侍中賜諡靜亂聖功臣尋改臨海軍節度使會同

初使晉行冊禮還加檢校太師二年卒贈太師魏國公
子延昭昭通作延昭延靖官至使相

耶律烏魯斯六院額爾奇不博果濟之後負勇略每戰
被重鎧揮鐵槊所向披靡會同間伐晉帝至河而獵縱
海東青鶴捕雉晉人隔水以鎗引去帝顧左右曰誰爲
我得此人烏魯斯請內應馬濟河擒之并殺救者數人
還帝大悅優加賞資既而晉將杜重威逆於望都據水
勒戰烏魯斯介馬突陣餘軍繼之被圍眾言陣薄處可
出烏魯斯曰恐彼有他備竟引兵衝堅而出遇視眾所
指皆大壘也其料敵多此類是年總領迪里皮室軍坐
私免部曲奪官卒

張礪礪州人初仕唐爲掌書記遷翰林學士會石敬瑭
起兵唐主以礪爲招討判官從趙德鈞援張敬達于河
東及敬達敗礪入契丹太宗見礪剛直有文彩擢翰林
學士臨事必盡言無所避帝益重之未幾謀亡歸爲追
騎所獲帝責之礪對曰臣不習北方土俗飲食居處意
當鬱鬱以是亡耳帝顧遇事高彥英曰朕嘗戒汝善遇
此人何乃使失所而亡杜彥英而謝礪會同初陞翰林
承旨兼吏部尚書從帝伐晉入汴諸將蕭翰耶律朗鄂
滿達輩肆殺掠礪奏曰今大遼始得中國宜以中國人
治之不可專用國人及左右近習苟政令乖失則人心
不服雖得之亦將失之帝不聽改右僕射兼門下侍郎
同中書門下平章事按遼史百官志門下侍郎兼門下
係礪兼官原文作門下侍郎平章事兼中書省
章事者誤也謹依五代史改正帝在汴將視朝有司給
礪三品冠服礪曰吾在上國時晉奉冊北朝資二貂冠
其一宰相韓延徽冠之其一命我服之今其可降服耶
卒冠貂蟬以朝據五代史增入車駕北還至樊城崩時礪臥病

恆州蕭翰等以兵圍其第數之曰汝何故於先帝言國
人不可爲節度使我以國舅之親有征伐功先帝留我
守汴汝獨以爲不可又謂我掠人財物子女今必殺汝
趣鎗之礪抗聲曰此國家大體安危所繫吾實言之欲
殺即殺奚以鎗爲滿達以礪大臣不可專殺乃救止之
是夕礪悲憤卒

欽定續通志卷四百十七

列傳

遼二

耶律烏哲

唐古 耶律厚 和勒博

耶律安圖

蕭塔喇噶

耶律塔喇

耶律伊勒哈

蕭和斯

高勳

耶律薩哈

耶律賢適

室昉

紐哩

劉景

郭襄

耶律蘇色

耶律阿穆爾

邢抱朴

馬得臣

耶律和克穆爾古

耶律烏哲字達年系出孟父房姿簡靜有幹識重然諾遇事造次處之從容人莫能測博學知天文會同間爲特哩哀太宗崩諸大臣立世宗太后聞之怒甚遣皇子魯呼以兵逆擊敗於泰德泉魯呼盡執世宗臣僚家屬謂守者曰我戰不克先殛此曹人皆恟恟軍次潢河橫渡隔岸相拒時烏哲從太后世宗以烏哲善籌欲行間乃設事奉書以試太后太后得書以示烏哲烏哲曰太后佐太祖定天下故臣願竭死力若太后見疑臣雖欲盡忠得乎爲今之計莫若以言和解事必有成否即宜速戰以決勝負人心一搖國禍不淺又曰魯呼永康王皆太祖子孫神器非移他族太后宜思長策與永康王和議太后曰誰可遣者對曰太后不疑臣臣請往萬一示康王見聽廟社之福太后乃遣烏哲授書于帝帝遣宣徽使耶律哈斯復書辭多不遜烏哲諫曰書意如此

國家之憂未艾也能釋怨以安社稷則臣以爲莫若和帝曰彼惡烏合安能敵我烏哲曰即不敢奈骨肉何況未知孰勝借曰幸勝諸臣之族執於魯呼者無噍類矣左右聞者皆失色帝讓之曰汝與朕屬尤近何反助太后烏哲曰臣以社稷至重不可輕付故如是耳原文在康下今依弘簡錄改良久帝問曰若何而和烏哲對曰與太后相見各抒忿恚和不難不然決戰非晚帝然之遂遣哈斯詣太后約和往返數日議乃定始相見怨言交誼殊無和意太后謂烏哲曰汝當爲我畫之烏哲進曰太后與大王若能釋怨臣乃敢進說太后曰汝第言之烏哲借調者籌執之謂太后曰昔人皇王在何故立嗣聖太后曰立嗣聖者太祖遺旨又語帝曰大王何故擅立不稟尊親答曰人皇王當立而不立我正當立烏哲正色曰人皇王捨父母之國而奔唐子道當如是耶大王見太后不少遜謝惟怨是尋太后牽于偏愛託先帝遺命妄授神器如此何敢望和當速交戰擲籌而退太后泣曰向太祖遺諸弟亂天下荼毒瘡痍未復庸可再乎乃索籌一帝曰父不爲而子爲又誰咎也亦取籌而執左右感激大慟太后復謂烏哲曰議既定未定神器竟誰歸烏哲曰太后若授永康王順天合人復何疑魯呼屬聲曰我在烏裕安得立烏哲曰禮有世嫡不傳諸弟皆嗣聖之立尚以爲非況公暴戾殘忍人多怨讟萬口一辭願立永康王不可奪也太后顧魯呼曰汝實自爲之乃許立永康天祿二年耶律天德蕭翰謀反下獄特哩袁瑤格及其弟瑋都結天德等爲亂耶律實刺潛告烏哲烏哲遂引入見白其事瑤格等不服事遂殺未幾瑤格邀駕觀構擣捧觴上壽袖刃而進帝覺命執之親詰其

事瑤格自誓帝復不問烏哲奏曰當使瑤格與實刺對狀不可輒恕帝曰卿爲朕鞠之烏哲率劍士訊之天德等皆伏罪三年爲石皮室詳察按通史傳載之五年考時已爲石皮室詳察而察克之行狀表列泰寧王察克陰謀事帝不聽五年秋察克弑帝烏哲聞有言衣紫者不可失乃易衣而出亟遣人召諸王及喻禁衛長皮室等同力討賊時壽安王歸帳烏哲遣弟冲迎之王至尙猶豫烏哲曰大王嗣聖子賊若得之必不容孽臣將誰事社稷將誰賴萬一落賊手悔將何及王始悟諸將聞烏哲出相繼而至運明整兵出賊不意聞之遂誅察克亂既平穆宗即位謂烏哲曰朕之性命實出卿手命知國事以逆黨財產盡賜之烏哲固辭應歷五年爲北院大王總山西事保寧初宋圍太原以烏哲率兵往援至白馬嶺道卒聞道疾馳駐太原西鳴鼓舉火宋兵以爲大軍至懼而宵遁按太原之圍遠紀不載通鑑宋屢敗遼遼遣南大王者將兵來援會暑雨軍士多疾乃還時遼保寧元年也意所云南大王者即係烏哲而通鑑失其以功加裕悅四年漢劉繼元遣使來貢致幣於烏哲烏哲以問帝命受之五年遼史傳作是年五月薨年五十七子唐古

唐古字敵隱廉謹善屬文統和二十四年述烏哲安民治盜之法以進補小將軍遷西南面巡檢歷壕州刺史唐古部詳竄嚴立科條禁奸民驚馬於宋夏界因陳頭私販安邊境之要太后嘉之詔邊境遵行著爲令朝議欲廣西南封域黑山之西綿互數千里唐古言成疊太還卒有警急赴援不及非良策也從之西蕃來侵詔議守禦計命唐古勸耕稼以給西軍田於臚胸河側是歲大熟明年移屯鎮州凡十四稔積粟數十萬斛斗米

數錢重熙開改局延篇項部節度使先是築哈屯城以鎮西域諸部縱民畜牧反招寇掠重熙四年上疏曰自建哈屯城以來西蕃數為邊患每煩遠戍歲月既久國力耗竭不若復守故疆省罷戍役不報是年致仕乞勒其父烏哲功于石帝命耶律庶成製文勒石上京崇孝寺卒年七十八

耶律厚字赫魯六院部額爾奇木博果濟之後端慈好施不事生產太宗特加倚任會同六年為南院大王在事精簡人不取以年少易之時晉主石重貴表不稱臣辭多僂慢厚言晉罪不可不伐及帝親征以所部兵從既入汴諸將皆取內帑珍異厚獨取馬鎧帝嘉之及帝崩於棗城無道詔軍中憂懼不知所為厚請北院大王耶律幹議曰天位不可一日曠若請于太后則必屬魯呼髮殘廢忍詎能子民必欲厭人望則當立永康王幹然之會耶律安圖來意與厚合遂定議立永康王是為世宗以功加採訪使賜以寶貨辭曰臣位已高敢復求富臣從弟達魯諸子坐事籍沒陛下哀而出之受賜多矣帝曰厚舍重賞而以族人為請其賢遠甚許之仍賜宮戶五十時有取當世名流作七賢傳者厚與其一天祿三年卒年三十九子和勒博

和勒博字實訥嘗與耶律烏哲平察克胤穆宗以其父厚首議立世宗故不顯用晚年為本族敵史及景宗即位授昭德軍節度使為北院大王時黃龍府軍將燕頗殺守臣以叛和勒博討之破於鴨綠江坐不親追擊以至失賊杖之乾亨間卒

按皇子表揚珠實元祖次子祖春博里為本部額爾奇木父迪里幼多疾時太祖為塔瑪

轄實時常加撫育神冊六年為特哩表從太祖將龍軍討準布黨項有功天贊三年為南院額爾奇木征渤海攻輝罕城俘斬甚眾太祖崩道欽皇后稱制欲以大元帥嗣位迪里建言帝位宜先嫡長今東丹王赴朝當立由是忤旨以黨附東丹王詔下獄訊鞠加以炮烙不伏殺之籍其家安圖自幼若成人居父喪哀毀過禮見者傷之太宗屢加慰諭嘗曰此兒必為令器既長言笑重然諸勳遵繩矩事母至孝以父死非罪未葬不預宴樂世宗在藩邸尤加憐恤安圖密自結納太宗崩於棗城諸將欲立世宗議未決時安圖直宿衛世宗密召問計安圖曰大王聰明寬恕人皇王之嫡長天下屬意今若不斷後悔無及會有自京師來者安圖詐以魯呼死傳報軍中皆以為信於是安圖詣南北二大王計之北院大王幹曰先帝常欲以永康王為儲貳今日之事有我輩在孰敢不從但恐不白太后而立為國家啟釁安圖曰永康王賢明人心樂附今天下甫定稍緩則大事去矣若白太后必立魯呼如社稷何南院大王厚曰此言是也乃奉世宗即位帝立以安圖為腹心總知宿衛是歲約和於潢河橫渡太后問安圖曰吾與汝有何隙安圖以父死對太后后默然及置北院樞密使命安圖為之賜奴婢婢口寵任無比事皆取決焉然性太寬事值苟簡案牘縱恣不能制天祿末察克兵犯御幄又不能討中外短之穆宗即位以立世宗之故不復委用應歷三年或誣安圖與齊王雅斯哈謀亂繫獄死姪索吉左皮室詳表

蕭塔喇噶字托實六院部人素剛直太祖時坐叔祖特順謀殺裕悅舒嚕沒入弘義宮世宗即位以舅氏故出

其籍補國舅別部敵史或言泰寧王察克有無君心塔喇噶曰彼縱忍行不義人孰肯從他日侍宴酒酣塔喇噶捉察克耳強飲之曰帝固知汝傲狠然以國屬曲加矜憫使汝在左右且度汝才能為若長惡不悛徒自取赤族之禍察克不能答強笑曰何戲之虐也天祿末為北府宰相及察克作亂塔喇噶醉嘗曰吾悔不殺此逆賊尋為察克所害

耶律塔喇字尼嚕資六院部耶君尼固察之後沈厚多智有任重才年四十未仕會同開為邊部令表應歷初陞南院大王均賦役勸耕稼部人化之戶口豐殖時周人侵漢以塔喇都統西南道軍援之周已下太原數城漢人不戰戰及聞塔喇兵至周主遣郭從義向鈞等代史契丹志及遼史穆宗紀俱作符彥通蓋作李率精騎拒於折口塔喇擊敗之獲其將史彥超按通蓋言其進為遼所殺而本傳言獲者或即春秋胡氏傳所云大夫生死皆曰獲之義歟周軍遁歸復所陷城邑漢主詰塔喇謝及漢主祖宋師來伐帝命塔喇為行軍都統穆宗紀作發諸道兵救之既出雁門宋謀知而退保寧元年加兼政事令致政乾亨初召之帝見髮髮皓然精力猶健問以政事厚禮之以疾薨年七十九塔喇凡用兵賞罰信明得士卒心河東單弱不為周宋所併者塔喇有力焉在治所不修邊幅百姓無稱年穀屢稔時耶律烏哲居北院塔喇居南院俱有政迹朝議以為富民大王云

耶律伊勒哈字蘇色本官分人檢校太師嚕噶按此其一人之子應歷初以父任入侍數歲始為殿前都點檢時帝新即位疑諸王有異志引伊勒哈為布衣交一切機密事必與之謀遷寄班都知賜宮戶時帝酗酒數以

細故殺人有監雉者因傷雉而亡獲之欲誅伊勒哈諫曰是罪不應死帝竟殺之以屍付伊勒哈曰收汝故人伊勒哈終不爲止復有監鹿詳奏亡一鹿下獄當死伊勒哈諫曰人命至重豈可爲一獸殺之良久得免遠法廢峻角者惟天子得射會秋獵善爲鹿鳴者呼一鷹至命伊勒哈射鷹而蹄帝大悅賜金銀名馬及黑山東穆辰之地後穆宗被弒坐守衛不嚴被誅

蕭和斯字延寧世爲北院史累遷御史中丞總典羣牧部籍應歷初遷左客省使未幾拜御史大夫時諸王多坐事繫獄帝以和斯有才幹詔窮治稱旨改北院樞密使仍命世預宰相選和斯辭曰臣子孫賢否未知得一客省使足矣從之帝晚歲酗酒用刑多濫和斯居要地躡躡自保未嘗一言匡救議者以是少之年五十七卒高勳字鼎臣晉北平王信賴之子性通敏仕晉爲閤門使會同九年與杜重威來降太宗入汴授四方館使好結權貴能服動大臣多推譽之天祚開爲樞密使總漢軍事五年奉使冊劉崇爲帝應歷初封趙王出爲上京留守尋移南京會宋欲城益津動上書請假巡撫以發之帝然其奏宋遂不果城十七年宋略地益津關勳擊敗之按益津之役宋史不載遼紀應歷十三年命勳爲知南院樞密事景宗即位以定策功進王秦保監中以南京郊內多隙地請疏畦種稻帝欲從之林牙耶律昆宜言於朝曰高勳此奏必有異志果令種稻以水爲畦設以京叛官軍何自而入帝疑之不納尋遷南院樞密使以毒藥餽馬都尉蕭卓林事覺流銅州尋又謀害尙書令蕭遙詔誅之沒其產賜遜家耶律薩哈字薩蘭伊實部人南府宰相烏魯斯子天祚

開始仕應歷中拜伊實大王兼知兵馬事乾亨初宋來侵詔以本部兵守南京北院大王希達等敗走獨薩哈全軍還帝諭之曰拒敵當如此卿勉之無憂不富貴加守太保統和開卒

耶律賢適字阿克展裕悅羅卜科之子嗜學有大志滑稽玩世人莫之知惟裕悅烏哲器之嘗謂人曰是人當國天下幸甚應歷中朝臣多以言獲譴賢適樂於靜退游獵自娛與親朋言不及時事會討烏爾固還擢右皮室詳袞景宗在藩邸常與韓匡嗣紐哩等游言或刺譏賢適勸宜早絕由是穆宗終不見疑賢適之力也景宗立以功加檢校太保尋授寧江軍節度使賜推忠協立功臣帝初踐祚疑諸王或萌非望陰以賢適爲腹心加特進同中書門下平章事保寧二年秋拜北院樞密使兼侍中賜保節功臣三年爲西北路兵馬都都督賢適忠介肅敏推誠待人雖燕息不忘政務以故百司首職罔敢逾情累年滯獄悉決之時高勳紐哩席寵放恣及帝嫡母保母勢薰灼納賂請謁門若賈區賢適適之言於帝不報以病解職又不允令鑄手印行事乾亨初疾篤得請明年封西平郡王薨年五十三子觀音大同軍節度使

室昉字夢奇南京人幼謹厚篤學不出戶外者二十年雖里人莫識會同初登進士第爲盧龍巡捕官太宗入汴受冊禮詔昉知制誥總禮儀事天祚中爲南京留守判官應歷開累遷翰林學士出入禁闥十餘年保寧間兼政事舍人數延問古今治亂得失奏對稱旨改南京副留守決訟平允人皆便之遷工部尙書尋改樞密副使參知政事頃之拜樞密使兼北府宰相同政事門

下平章事乾亨初監修國史統和元年告老不許進尙書無逸篇以諫太后聞而嘉獎二年秋詔修諸嶺路昉發民夫二十萬一日畢功是時昉與韓德讓耶律色珍相友善同心輔政整頓釐弊知無不言務在惠民薄賦以故法度修明朝無異議八年復請致政詔入朝免拜賜几杖太后遣閤門使李從訓持詔勞問令常居南京封鄭國公初晉國公主建佛寺於南京帝許賜額昉奏曰詔書悉罷無名寺院今以主請賜額不惟違前詔恐此風愈熾帝從之表進所撰寶錄二十卷手詔褒之加政事令賜帛六百匹九年薦韓德讓自代不從以年老賜貂皮衾褥許乘輦入朝病劇遣翰林學士張幹就第授中京留守加尙父卒年七十五賜尙書令遺言戒厚葬恐人譽過情自志其墓

紐哩字蕭爾昆逸其氏族補積慶宮人應歷初爲習馬賈達爾以母憂去一日至雅伯山見一巨人惶懼走巨入止之曰勿懼我地祇也拜爾母於斯當速詣爾必貴紐哩從之累遷馬羣侍中時景宗在藩邸以紐哩出自本宮待遇殊厚紐哩亦傾心結納及穆宗遇弒紐哩奔赴景宗集禁兵五百以衛既即位以翼戴功加政事令契丹行宮都部署尋加守太尉北漢主劉繼元聞紐哩信任遇其生日必致禮紐哩素貪同列蕭安巴達亦好賄二人相善人有遺裘爲泉耳子所著者或戲曰若遇紐哩安巴達必盡取之傳以爲笑保寧末坐私藏甲屬有同方案詰于紐哩袖中又得殺樞密使蕭遜賊書賜死紐哩善識馬常行郊野見數馬跡指其一曰此奇駿也已已馬易之果然

劉景字可大河間人四世祖怛即朱滔之甥唐石僕射

盧龍軍節度使父守敬南京副留守景端厚好學能文燕王趙延壽辟爲幽都府文學應歷初遷右拾遺知制誥爲翰林學士九年周人侵燕留守蕭遼上急變帝欲俟秋出師景諫曰河北三關已陷於敵今復使燕安可坐視不聽會父憂去未幾起復舊職一日召草赦既成留數月不出景奏曰唐制赦書日行五百里今稽期弗發非也亦不報景宗即位以景忠實擢禮部侍郎遷尚書宣政殿學士帝方欲倚用舊其笏曰劉景可爲宰相頃之爲南京副留守時留守韓匡嗣因恩從北上景與其子德讓其理京事俄召爲戶部使歷武定開遠二軍節度使統和六年致仕加兼侍中卒年六十七贈太子太師子慎行孫一德一玄三叔四端五常六符皆具六符傳

郭襲不知何郡人性端介識治體久淹外調景宗即位召見對稱旨拜南院樞密使尋加兼政事令以帝數游獵上書諫曰昔唐高祖好獵蘇世長言不萬十旬未足爲樂高祖卽日罷史稱其美伏念聖祖創業艱難修德布政宵旰不解穆宗違其無厭之欲不恤國事天下愁怨陛下繼統海內翕然望中興之治十餘年閒征伐未已而寇賊未弭年穀雖登而瘡痍未復正宜戒懼修省以懷永圖側聞恣意游獵甚於往日萬一有銜壓之變搏噬之虞悔將何及況南有強敵伺隙而動聞之得無生心乎伏望陛下節從禽酣飲之樂爲生靈社稷計則有無疆之休帝覽而稱善賜協贊功臣拜武定軍節度使卒

耶律蘇色字阿敏性忠直簡毅練武事應歷初爲侍從累遷圖魯卜部節度使歷霸濟祥順聖五州都總管俄

爲敦睦宮太師保寧三年改九部都詳袞四年伐黨項屢立戰功統和初皇太后稱制西邊甫定蘇色安集諸蕃利害輒具以聞太后益信任之凡臨戎與士卒同甘苦所獲均賜將校賞順討逆威信大振在遼二十年卒耶律阿穆爾字布琳約尼兆固汗之四世孫幼聰敏保寧中爲南院宣徽使統和初皇太后稱制與耶律色珍參預國論爲都統以征高麗功遷北院宣徽使加政事令四年春宋將曹彬米信等侵燕從帝親征爲都監屢破敵十二年行在多盜阿穆爾立禁捕法盜始息先是叛逆之家兄弟不知情者亦連坐阿穆爾諫曰夫兄弟雖曰同胞賦性各異一行逆謀雖不與知輒坐以法是刑及無罪也自今雖同居兄弟不知情者免連坐太后嘉納著爲令致仕卒阿穆爾性好聚斂每從征所掠人口聚而建城請爲豐州就以家奴閭貴爲刺史時議鄆之子賢格左伊勒希巴

邢抱朴應州人刑部郎中簡之子性穎悟好學博古保寧初爲政事舍人知制誥累遷翰林學士加禮部侍郎統和四年山西州縣被兵命抱朴鎮撫之民始安按太府志應州西南有龍首書院遼翰林學士邢抱朴建寧附錄加戶部尚書遷翰林學士承旨與室昉同修實錄決南京滯獄還優詔褒美十年作十二年拜參知政事以樞密使韓德讓薦按察諸道守令能否而黜陟之大協人望以母憂去官詔起視事表乞終制不從宰相密諭帝意乃視事及耶律休格留守南京又多滯獄復詔抱朴平決之人無冤者改南院樞密使卒贈侍中初抱朴與弟抱贊受經於母陳氏皆以儒術顯抱贊亦官至侍中時人榮之

馬得臣南京人好學博古善屬文尤長於詩保寧閒累

遷政事舍人翰林學士常預朝議以正直稱乾亨初宋師屢犯邊命爲南京副留守復拜翰林學士承旨聖宗卽位皇太后稱制兼宣政殿學士按原本作侍讀學士件讀而無侍讀字帝閱唐高祖太宗玄宗三紀得臣乃錄其行事可法者進之及扈從伐宋進言降不可殺亡不可追三其德者別議詔從之俄兼諫議大夫知宣徽院事時帝繫鞫無度上書諫曰臣竊觀房玄齡杜如晦隋李書生向不遇太宗安能爲一代名相臣雖不才陛下在東宮幸侍從今又得侍聖訓陛下嘗問臣貞觀開元之事臣請略陳之臣聞唐太宗待太上皇夏器則挽轡至內殿玄宗與兄弟歡飲盡家人禮陛下嗣祖考之祚躬侍太后可謂至孝臣更望定省之餘睦六親加愛敬則陛下親親之道比隆二帝矣臣又聞二帝耽玩經史數引公卿講學至於日昃當時天下翕然嚮風今陛下游心典籍分解章句臣願研究經理深造而篤行之二帝之治不難致矣臣又聞太宗射豕唐儉讓之玄宗贊鷹韓休言之二帝莫不樂從今陛下以羣馬爲樂愚臣思之有不宜者三竊以君臣同戲不免相爭君得臣愧彼負此喜一不宜躍馬揮杖縱橫馳騁不顧上下之分爭先取勝失人臣禮二不宜輕萬乘之尊圖一時之樂萬一有銜勒之失其如社稷太后何三不宜倚陛下不以臣言爲迂少賜省覽天下之福羣臣之願也書奏帝嘉歎良久未幾卒贈太子太保詔有司給葬耶律和克字海蘭六院額爾奇木迪里之孫少穎悟重然諸保寧初補御殘郎君十年使宋還以宋取河東之意聞於帝燕王韓匡嗣曰何以知之克曰諸僧號之國宋皆併收惟河東未下今宋講武習戰意必在漢匡

嗣力沮之明年宋果伐漢帝以和克能料事器之授涿
州刺史統和初皇太后稱制召赴京師與韓德讓以事
相忤德讓怒取護衛所執戎仗擊其腦卒子穆爾古
穆爾古字遙隱有智識善射統和初拜南面林牙四年
宋侵燕太后親征穆爾古爲前鋒手中流矢拔而復進
太后既至穆爾古以創不能戰與北府宰相蕭繼先巡
邏境上累遷北院大王七年伐宋爲先鋒與耶律諾袞
破其將李忠吉於定州按遼聖宗統和七年宋太宗端
拱二年也宋史及通鑑不載此
事遼紀統和六年宋定州守將李興以兵來拒耶律以
休格擊敗之人名年次與本傳不符未知卽此事否
疾卒於軍

欽定續通志卷四百十八

欽定續通志卷四百十九

列傳

遼三

耶律休格

耶律色珍

耶律學古

耶律沙

蕭幹

蕭達林

蕭觀音努

耶律托色

耶律轄哩

蕭柳

和碩爾

耶律幹拉

耶律世良

張儉

蕭朴

耶律巴格

耶律舒魯

王繼忠

陳扎表

蕭和卓

武白

高正

大康又

耶律休格字遜祖實魯隋國王父烏蘇南院額爾奇木休格少有公輔器初烏爾古至韋二部叛休格從北府宰相蕭幹討之應歷末爲特哩衰乾亨元年宋侵燕北院大王希達等敗績南京被圍帝命休格代希達將五院軍往救遇敵于高粱河遼通作大梁河與耶律色珍分左右翼擊敗之追殺三十餘里斬首萬餘級休格被三創明旦宋主遁去休格以創不能騎輕車追至涿州不及而還九月原文作是年冬諸錄景帝宗紀及宋史太宗紀帝命韓匡嗣耶律沙伐宋以報圍城之役休格率本部兵從戰于滿城宋人請降匡嗣信之休格曰彼眾整而銳必不肯屈乃誘我耳宜嚴兵以待匡嗣不聽休格引兵憑高而視須臾南兵大至匡嗣敗績休格整兵進擊敵乃卻詔總南

面戍兵爲北院大王明年車駕親征圍瓦橋關宋兵來救將張師突圍出帝親督戰休格斬師餘眾退走入城宋陣于水南將戰帝以休格馬介獨黃慮爲敵所識乃賜玄甲白馬易之休格率精騎渡水擊敗之追至莫州橫屍滿道散失俱罄生獲數將以獻帝悅賜御馬金孟勞之師還拜裕悅聖宗即位太后稱制令休格總南面軍務以便宜從事休格均戍兵立更休法勸農桑修武備邊境大治統和四年宋復來侵其將范密聖宗紀及通鑑俱作楊繼業時賜姓劉名繼業遼史改仍其舊名曹彬米信等四出時北南院突部兵未至休格力募不敢出戰夜以輕騎出兩軍間殺其單弱晝則以精銳張其勢又設伏林莽絕其糧道曹彬等退保白溝月餘復至休格以輕兵薄之伺彼尋食擊其離伍單出者由是南軍自救不暇太后軍至彬等遁太后益以銳卒追及之乘勢圍之至夜彬信以數騎亡去餘眾悉潰追至易州東宋師尚有數萬潰沙河而襲擊之宋師望塵奔竄墮岸相蹂死者過半沙河爲之不流太后旋旆休格收宋屍爲京觀封宋國王又上言可乘宋弱略地至河爲界書奏不納及太后南征休格爲先鋒敗宋兵于望都時宋將劉廷讓以數萬騎卒並海而出約與李敬源合兵聲言取燕休格聞之先以兵扼其要地會太后軍至殺敬源廷讓走瀛州執知雄州賀令圖遂陷昭深德三州遼通七年宋復遣廷讓等乘暑欲攻易州休格率銳卒逆擊于沙河之北殺傷數萬獲輜重不可計太后嘉其功詔免拜不名自是宋不敢北向時宋人欲止見啼乃曰裕悅至矣按通鑑端拱二年宋尹繼倫襲休格于徐乘善馬而遁不載休格以燕民疲弊省賦役恤孤寡戒諱言其敗故不載休格以燕民疲弊省賦役恤孤寡戒

戍兵無犯宋境雖馬牛逸于北者悉還之遠近向化邊鄙以安十六年薨詔立嗣南京休格智略宏遠料敵如神每戰勝讓功諸將故士卒樂爲之用身更百戰未嘗殺一無辜二子果巴官至節度使果實裕悅孫瑪格瑪格字額特塔典宗時以散職入見帝問卿奉佛乎對曰臣每旦誦太祖太宗及先臣遺訓未暇奉佛帝悅清寧中遷唐古部節度使咸雍中累遷匡義軍節度使太康初致仕卒

耶律色珍字韓隱裕悅赫魯之孫性明敏不事生產保寧元年樞密使蕭思溫薦色珍有經國才帝曰朕知之第佚蕩豈可羈屈對曰外雖佚蕩中未可量乃召問以時政占對剴切帝器重之妻以皇后之姪命節制西南面諸軍及援河東改南院大王乾亨初宋再攻河東從耶律沙至白馬嶺沙等戰不利色珍赴之令麾下萬矢齊發敵氣破而退是年秋宋下河東乘勢襲燕耶律希達逆戰敗績退屯清河北色珍取希達青幟軍于得勝口以誘敵敵果爭赴色珍出其後奮擊敗之及高粱之戰與耶律休格分左右翼夾擊大敗宋軍統和初皇太后稱制益委任爲北院樞密使太后親帥師救燕以色珍爲山西路兵馬都統色珍至定安遇賀令圖軍擊破之追至五臺斬首數萬級明日至蔚州敵不敢出乃書帛射城上諭以招慰意宋軍來救令都監耶律迪斯伏兵險阨城守者見救至突出色珍擊其背二軍俱潰追至飛狐斬首萬餘級取蔚州賀令圖潘美等復以兵來色珍逆于飛狐又敗之宋軍在渾源應州者皆棄城走色珍聞楊繼業出兵令蕭達蘭伏兵于路明旦繼業兵至色珍佯退伏兵發至狼牙村繼業被擒色珍歸闕

以功加守太保從太后南伐卒于軍庶子果勒官至小將軍

耶律學古字伊實揚裕悅幹之庶孫穎悟好學工講義及詩保寧中補御蓋郎君乾亨元年宋侵燕學古受詔往援始至京宋師圍城三周穴地而進城中民懷二心學古以計安反側隨宜備禦晝夜不少懈適有敵三百餘人夜登城學古戰卻之會援軍至圍遂解學古開門列陣四面鳴鼓居民大呼聲震天地旋有高梁之捷以功進授保靜軍節度使爲南京馬步軍都指揮使二年伐宋乞將漢軍從之改彰國軍節度使時南境未靜民思休息學古禁寇掠以安之宋將潘美來侵學古以軍少虛張旗幟雜丁黃爲疑兵是夜適獨虎吟舉烽火遣人偵視見敵停掠村野擊之悉獲所掠物擒其將領自是學古與潘美各守邊約無相侵軼民獲安業以功爲特哩衰卒弟額布勒

額布勒字留隱嚴重有膂力善屬文統和中伐宋屢任軍事嘗與楊珠不相能因曰爾奴才何所知楊珠訟于北院樞密使韓德議德怒問曰爾安得此奴額布勒對曰三父異籍時亦易得德議笑而釋之後從蕭恒德伐博囉滿達部以功爲東路統軍都監及德議爲大丞相薦其材可任統軍使太后曰額布勒當不遜於卿何善而薦德議奏曰臣丞相位於臣猶不屈臣于其餘若任使之必能鎮撫諸番太后從之加金紫崇祿大夫檢校太尉而弟果囉以罪亡額布勒及其母俱下吏恐禍及母陰使人召果囉給曰太后知事之誣汝第來勿畏果囉至送有司坐誅其後退歸田里以疾卒

耶律沙字安隱其先嘗相約尼氏應歷開景官南府宰

相景宗即位總領南面邊事保寧開宋攻河東沙將兵救之有功加守太保乾亨初宋復北侵沙將兵由間道至白馬嶺阻大澗遇敵沙與諸將欲待後軍至而戰冀

王迪里監軍耶律穆濟等以爲急擊之便沙不能奪迪里等以先鋒渡澗未半爲宋人所襲兵潰迪里及其子幹格沙之子德里令公圖敏詳安唐古等五將俱沒會耶律色珍兵至敵始退沙勒兵還宋乘銳伐燕沙與戰于高梁河相卻遇耶律休格及色珍等邀擊敗宋軍以功釋前過是年復從韓匡嗣伐宋敗績帝欲誅之皇后營救得免眷習皇后稱制賜几杖復從伐宋敗劉廷讓李敬源之軍賜資優渥統和六年卒

蕭幹小字轉哩字博迪北府宰相達魯之子性質直初察克之亂其黨和克齊與幹善使人召之幹曰吾豈能從逆臣縛其人送壽安王賊平拜羣牧都林牙復以伐烏爾古功遷北府宰相改圖魯卜郎節度使乾亨初宋侵燕詔幹拒之戰于高梁河幹與耶律休格等併力敗之自是每征伐必參決軍事加政事令二年宋兵圍瓦橋乞襲營幹及耶律允古戰卻之時皇后以父呼幹及后爲皇太后后制幹數條奏便宜多見聽用統和四年卒姪托果

托果字括室性忠簡應歷初始入侍會翼王迪里宣徽使哈斯謀反托果密以聞帝嘉其忠詔尚機敬公公主按公主表不載蓋保寧末爲南京統軍使乾亨初宋侵燕托果與北院大王希達拒之不克退屯清河帝聞其敗遣使寬之托果懼援兵至奮力以敗宋軍遂釋其罪降爲南京侍衛親軍都指揮使四年卒

蕭達林字馳寧斯溫之再從姪父珠埒哩善相馬應歷

開爲馬羣侍中達林幼敦厚有才略通天文保寧初爲宿直官累任樞密使耶律色珍敗之擒繼業于朔州六年秋改南院都監從蕭南征攻沙堆力戰敵創太后親臨視明年加右監門衛上將軍檢校太師遙授彰德軍節度使十一年與東京留守蕭恒德伐高麗破之高麗

稱臣奉貢十二年夏人梗邊皇太妃受命總烏爾古及永興宮分軍討之達林爲準布都詳表凡軍中號令太妃並委之師還以功加兼侍中封蘭陵郡王十五年德略部人殺詳表叛遁于西北荒達林將經略逐之因討準布之未服者諸蕃咸貢方物充于國自後往來若一家焉因賜詩嘉獎仍命林牙耶律昭作賦以述其功達林以諸部叛服不常上表乞建三城以絕邊患從之俄召爲南京統軍使復伐宋擒其將王先和宋史及遼本紀俱作王繼忠破其軍于遂城下祁州按宋史是年達林率軍攻威州皆爲州兵所敗與本傳異手詔獎諭進至檀州宋主軍于城中未接戰達林出按地中伏斃卒子繼古南京統軍使

蕭觀音字伊曩奚王達哈之孫統和十二年爲右祗候郎君班詳表遷奚六部大王先是俸秩外給獐鹿百數皆取於民觀音努奏罷之及伐宋與蕭達林爲先鋒降祁州下德清軍乃加優賞同知南院事卒

耶律托色字勝隱北府宰相烏里之孫善射工畫保寧間爲御蓋郎君九年奉使于漢深加禮重統和二年與西邊詳表耶律蘇色討圖勒錦大破之四年托色從北院樞密使耶律色珍敗賀令圖於定安授西南面招討都監宋兵守蔚州急召外援托色伏兵道勞侯援兵過

耶律沙字安隱其先嘗相約尼氏應歷開景官南府宰

未半而擊之城軍出色珍復邀之兩軍俱潰奔飛狐地隘不得進殺傷甚眾賀令圖復集敗卒來襲蔚州逆戰破之應州守將白道進圖冀州冒矢石登城宋軍大潰色珍擒繼業于朔州托色功居多是年冬復與蕭達林由東路擊宋俘獲甚眾後聞宋兵屯易州率兵逆之至易境而卒初托色破令圖宋將有因傷而仆托色繪其狀以示人咸嗟神妙

耶律轄哩字烏庫哩圖吉部人統和四年宋將楊繼業攻山西轄哩從耶律色珍擊之常居先鋒偵候有功是歲伐宋宋人拒於滹沱河率精騎便道先濟獲其將康保威以功詔世預節度使選太平元年稍還本部節度使六年從蕭惠攻甘州不克會準布攻圍三刺軍按遼名猶云三帥也與都監耶律尼嚕固往救至哈屯城西南遇敵不能陣中流矢卒

蕭柳字圖們滔欽皇后弟阿古齊五世孫幼養于伯父巴雅爾多知能文臂力絕人統和中叔父恒德臨終薦其才詔入侍衛十七年南伐宋將范延召列方陣而待時皇弟隆慶為先鋒問諸將佐誰敢當者柳曰若得驍馬則願為之先隆慶授以甲騎遂馳而前敵少卻隆慶席勢攻之南軍遂亂中流矢襲創而戰眾皆披靡時巴雅爾留守東京奏柳為四軍兵馬都指揮使明年為北女真詳察政齊寬猛部民畏愛遷東路統軍使秩滿百姓願留許之從伐高麗師還致仕柳好滑稽雖君臣燕飲詬誶無所忌諱終謂人曰吾少有致君志不能直遂故以諧進冀萬有一補俳優名何避頭之被寢衣而坐呼曰吾去矣言訖而逝

續通志 卷四百十九 列傳 遼

皇太后稱制以耶律休格領南邊事和碩為南面行軍副部署四年宋曹彬米信等來侵與休格破宋兵于燕南軍還恬權擢無罪人李浩至死帝以其功釋之冬南征將本部軍由別道進擊敵軍於狼山俘獲甚眾八年表正奚王府官制從之十三年遷都部署伐烏舍利其俘掠請降不許城中皆死戰和碩知不能克乃掠地東南循高麗北界而還地遠糧絕士馬死傷詔降封爵卒于烏貢郎君班詳表

耶律幹拉字斯寧奚德喀勒部人趨捷有力善騎射保寧初補護衛軍駕獵嶺山有豪猪伏叢莽帝射中猪突出御者拾轡而避幹拉復射斃之及獵赤山奔鹿突前路險不容避垂犯蹕幹拉以身當之鹿觸而顛帝謂曰朕因獵兩瀕于危賴卿以免始見爾心遷護衛太保從樞密使耶律色珍破宋將楊繼業軍于山西統和十三年為行軍都監從都部署奚王和碩獵伐烏舍數月不能下蕭恆德欲深入大掠幹拉曰恐所得不償所損恆德不從略地東南人馬多死詔諸將官幹拉以前議得免尋加同政事門下平章事為東京留守開泰中卒

耶律世良小字幹六院部人才敏給達達國朝典故及世譜北院樞密使韓德讓病帝問孰可代卿德讓曰世良可北院大王耶律舒魯復問北院之選德讓曰無出世良統和末為北院大王開泰初加檢校太尉同政事門下平章事時邊部拒命詔北院樞密使耶律華格將兵以世良為都監往禦之明年華格還將罷兵世良上書曰華格以為無事而還不思師老糧乏敵人已去焉能久守若益兵可克也帝命華格益兵與世良追之至安真河大勝而還自是邊境以寧以功王岐拜北院樞

密使三年命還馬駝于烏爾古部會德喀勒部人伊喇叛攻陷巨穆古城世良率兵壓境招降之各復故地四年伐高麗為副部署都統劉慎行逗遛失期執還京師世良獨進兵明年至北都護府破追兵于郭州以暴疾卒

張儉宛平人性端慤不事外飾統和十四年舉進士第一調雲州幕官故事軍駕經行長吏當有所獻聖宗獵雲中節度使進曰臣境無他產惟幕僚張儉一代之寶願以為獻先是帝夢四人在側賜食人二口至聞儉名始悟召見容止樸野訪及世務占奏三十餘事由此顯遇特異踐履清華號稱明幹開泰中累遷同知樞密院事按聖宗本紀儉以開泰二年為政太平五年出為武定軍節度使移鎮大同六年入為南院樞密使帝方眷倚參知政事吳叔達與儉不相能帝怒出叔達為康州刺史拜儉左丞相封韓王帝不豫受遺詔輔立太子是為興宗賜員亮弘靖保義守節舊德功臣拜太師中書令加尚父徙王陳重熙五年帝幸禮部貢院及親試進士皆儉發之進見不名賜詩褒美儉衣唯袖帛食不重味月俸有餘賜給親舊方冬奏事便殿帝見衣袍敝惡密令近侍以火夾穿孔記之屢見不易帝問其故儉對曰臣服此袍已三十年時尚著靡故以此微諷喻之帝憐其清貧令悉取內府物儉奉詔持布三端而出益見獎重儉弟五人帝欲俱賜進士第固辭有司獲盜八人既戮之乃獲正賊家人訴冤儉乞乞申理帝勃然曰卿欲朕償命耶儉曰八家老稚無告少加存恤使得收葬足慰存沒矣乃從之儉在相位二十餘年裨益為多致政歸第會宋書辭不如禮帝將親征幸儉第尚食先往

志五七六五